

האד"י קעת אל סמך (00101)
יקול סמך אל בני אל כאן שפת (00102)
אחסן מני לא תאכלני לאן (00103)
אנא דאימן דהן ינז מני וכל ג'נס (00104)
סמך מא יקדר יעייב עליי ויפשלני. (00105)
רג'עלו סמך אל בז וקלו לל בני (00106)
אנתא מא אחד יכד' גיר אל בטראן (00107)
ואל ערסן ולאפן אנא באל פרח (00108)
ובל עז ואטאל מא יעידני אל עייד (00109)
יכתרע ויפז ואל אנסאן יסתנפעון (00110)
מני כבה ופלאו ופרוק אל רז (00111)
אחפילך יא עלטאן עלא סמך אל (00112)
נטאן אנא אנפע לל סעודה מאל (00113)
בלה ולחתאן. יקול סמך אל שבוט (00114)
אל כאן ע'לת באל שטוט עליך מן (00115)
סמך אל שבוט יקול סמך אל ע'עיה (00116)
אנא אפלי לדיד בל עיה יקול סמך (00117)
אל בז אספת יא חזין כאן אנא (00118)
אקלי ואל דהן מני ינז ולא'וואדם (00201)
יסתנפעון מני כבה ופלאו ופרוק (00202)
אל רז. יקול סמך אל שלוק אל (00203)
כאן ע'לית בל טאוה תסיר מחרוק (00204)
אחפילך יא עלטאן עלא סמך אל (00205)
נטאן יקול סמך אל ג'טאן אנא (00206)
אתקדם קדאם אל ואל וילעלטאן (00207)
ואתקדם בסעודת מילה ולחתן (00208)
ואתקדם קדאם אל קעי ולבטראן (00209)
יכליני אל ערסן ולבטראן ואתקדם (00210)
קדאם אל שלחאן בטרמה ובליוואן (00211)
ואתקדם קדאם אל מונאיי ולפנג'אן (00212)
ואתקדם קבל מא יעף אלוואן (00213)
אלוואן מן טרשי ולרמאן. (00214)

חפיי באדמי אלד"י ועאנו אל אבנו (00215)
בסאעת מותתו וקלו אבני טול (00216)
עמרך פר כבזך בל מאי ולא (00217)
תכלו אבחדך וקת אל מאת אבונו (00218)
אל ולד קים ועאייתו וכאן פרד (00219)

סמכה תג'י תאכלו אל כבז למא (00301)
כברת אל סמכה כתיר כתיר (00302)
וכאנת תלחקם לל סמך ותאכלם (00303)
וקת אלד'י שאפו אל סמך היכד' (00304)
ראחו ענד לוינתן וקאלולו יא סידנא (00305)
אתגבה סמכה וחדו בינאתנא (00306)
ונחנא מא נטיק נעיש ויאהא בעת (00307)
עליהא וקאל להא עליש אתגביתי (00308)
אזייד מן אעחאבך קאלת לו פרד (00309)
אדמי יג'י לענדי ויפר כבז ואנא (00310)
אכלו קאל להא ג'יבילייה אל אדמי (00311)
לענדי אשוף עדק ג'וואבך ראחת (00312)
וגאבתו לענד לויתן קלו יא אבני (00313)
מן טרף אש תפר כבזך בל מאי (00314)
קאל יא סידי היכד ועאני אבוני פר (00315)
כבזך בל מאי ואנא מתבת ועאית (00316)
אבוני קאל לו תבת ועאיית אבוך (00317)
קאל אי קלו לויתן אפתח תמך (00318)
ופתח תמו ותפל בתמו תלת (00319)
כראת הדיך אל סאעה סכנת עלינו (00401)
מערפי ופהם וערף חדית בהימות (00402)
וטיור וערף סבעין לסין ועקב היכד' (00403)
ועא לל סמכה תודינו לל יבס (00404)
ראחת ודתו לל יבס ונאם בל יבס (00405)
וג'ו תנין טיור קאל ואחד אל רפיקו (00406)
ארוח ואנקר עיונו קאל לו בני אדם (00407)
חיאל מא סמע ראח ועע'ו ברגלו (00408)
מא חסס ברוחו וקת אל ג'א עוב (00409)
עינו קאל יריד ינקר עינו אמסכו (00410)
קלתלו אמו לל טיר סייבו ואנא (00411)
ארויך כזנא כבירי מאל שלמה (00412)
המלך ועלינו תאג כביר וקת סמע (00413)
היכד אפתהם חדיתו קאל להא מא (00414)
אסייבו למא תרויליה אל כזנא (00415)
הד'יך אל סאעה אלזמו מן ג'נחו (00416)
ומשו וינאנו לימא וקפו עלא אל (00417)
כזנא הד'יך אל סאעה סייבו (00418)
אסתבדת אמו תקתלו לל ולד (00419)

וקלתלו עליש מא אמנת ביי והפוא (00501)
קלתולך לא תנזל אל אדמי חייאל (00502)
הווי ונזלת ולזמך ובשפתלו אל (00503)
כזנא מן טרפך קתלתו לימא מאת (00504)
הד'יך אל סאעה ג'בתלו ג'נס חשיש (00505)
וכלתו עלא תמו רג'עת רוחו עלינו (00506)
שאף פרד אדמי וחד הד'ך אל חשיש (00507)
וקאל ודאי האד'ה אל חשיש יעישי (00508)
אל מייאתי אכד' מן חשיש וקאל ארוח (00509)
לרושלים ואעייש בינו אל מייאתי (00510)
וקת אלד'י כאן מאשי בל דרב שף (00511)
סבע מיית דקו לל חשיש בינו וקף (00512)
עלא רגלו ואכלו. ולאדמי אלדי (00513)
שוופונו אל כזנא רגע ליביתו (00514)
וסתברה דוואב ליג'יב אל כזנא (00515)
ויודיהא לביתו ומשאהום עלא אל (00516)
כזנא וחמלהום מן פע'א ול ד'הב (00517)
עלא קד מא יטיקון ישלון ובועט הל (00518)
חמיר כאן חמר פריץ ורע מעללים (00519)
קאל לאעחאבו אלכאן תסמעון (00601)
לשורי נסוי פרד עלילה אלד'י (00602)
תנע'אע מנו אל כזנא מן חית שאל (00603)
עלינא אזייד מן אל עאדא קאלולו (00604)
אעחאבו אש נסוי קאל להום מתל (00605)
מא אסוי אנא וקת אדכל בבאב אל (00606)
ולאיי אוקע רוחי ויג'ון אל נאס (00607)
יסאעדוני וישופון אל פע'א ולד'הב (00608)
וינהבוהא מני קאלולו אעחאבו (00609)
אנכאף נחנא האדא אל אדמי חייאל (00610)
הווי אלכאן נסוי היכד' יקתלנא בל (00611)
עעאיי ויקימנא מן אל ארץ מן גיר (00612)
מסאעדא קאל להום שופו וקת אלד'י (00613)
אנא אסוי אל כאן סאעדוני אנתום (00614)
וקעו ברוחבום וינהפי כל אל מאל (00615)
לאכן אל אדמי כל הל חפי אפתהמו (00616)
וספת וקת דכלו לולאיי אל חמר (00617)
וקע ברוחו ג'ו אל נאס ליסעדונו קאל (00618)
להום נתרג'א מנכום לא תסאעדוני (00619)

מן חית אנא אערף אשגאלו אל לשין (00701)
אכד' אל עעאיי וע'ל ידק בינו לימא (00702)
קם בוחדו קאלולו אעחאבו לולא (00703)
נסמע לשורך הם היכד' כאן (00704)
אקתלנא. הד'יך אל סאעה ודא אל (00705)
כ'זנא לי ביתו וגנזא קלתלו מראתו (00706)
מנן לך הל מאל קאל להא הקב"ה (00707)
אבעתלייהא ותמת תנקף בינו (00708)
בליל ובל נהאר לימא סוא ניי יריד (00709)
יקלא בהד'ך אל יום דכל למוע'ע אל (00710)
כיל שף אל בגלה מאלו קאעדא תבכי (00711)
גא דיך בל מעלף ושף אל בגלא (00712)
קאעדא תבכי וקאל להא מן טרף (00713)
אש תבכין קלת לו מן טרף סידי (00714)
סוא ניי יקלא למראתו ומן קלא (00715)
תריד תרוח תכבר עלינו יקתלונו (00716)
ויכד'ון אל כזנא ג'אווב אל דיך וקאל (00717)
אנא לני עשר נסואן ובלתהום (00718)
יכפון מני ומא יכאלפון גוואבי (00719)
וסידי ענדו פרד מרא אלכאן תס (00801)
מנו שי יקתלא תריד תשוף אשלוון (00802)
יכאפון מני אכד' שעיראיי ועאח (00803)
לניסואנו וג'ו יכלון ועאח עליהום (00804)
ונהזמו קלו שפת אשלוון כאפו מני (00805)
כד'אלך סידי יסוי היכד' למראתו אל (00806)
אדמי אפתהם שין אלד'י סאר וראח (00807)
לל בית רדת מראתו לתנקף בינו (00808)
וקם ג'ב אל עעאיי וידק ביהא ותעיוח (00809)
אמאן אמאן מא בעד אקלך שי (00810)
תעל שוף מני סבב לו הל כבוד (00811)
וגאב אל שטארה מתל מקאל פעוק (00812)
והחכמה תחיה בעליהא. (00813)
וכל האד'א אל סבב מן טרף תבת (00814)
ועאייאת אבונו ותבת אל מעות. (00815)
בן יזכנו לשמור ולעשות ולקים את (00816)
כל המעות עד ביאת הגואל אכיו"ר. (00817)

משבת דנגור בגדאד (00818)

